

四川府縣志輯

(新編)

36

中國地方志集成

民國江安縣志

嘉慶納谿縣志

光緒瀘州直隸州志

中國地方志集成

四川府縣志輯（新編）③⑥

民國江安縣志

嘉慶納谿縣志

光緒瀘州直隸州志

巴蜀書社 · 鳳凰出版社 · 上海書店

第三十六冊

民國江安縣志·····	一
嘉慶納谿縣志·····	一五五
光緒瀘州直隸州志·····	二九五

國民

江安縣志

民國·嚴希慎 修 陳天錫 纂

民國十一年鉛印本 四卷

江安縣志序

辛酉壬戌間江安前令嚴純吾君督修縣志已付印矣適刷印局災幸稿存復覺成裘更增集節孝孝友若干條以軍事起未付梓會予承乏江安縣紳以序請予曰嘻此中殆有天耶孝義者天之所欽設志載有遺則潛德幽光無時而顯書未出而遽燬殆天所以表彰孝義諸人而故稍遲以有待歟於戲縣之人其知勉矣是爲序

中華民國十一年冬十月江安縣知事華陽周大熙

江安縣志 序目

江安縣志序

民國十年冬慎奉檄江安甫下車縣中耆宿卽以修志請叩其故則曰世數亂兵數起縣令一歲數更於縣中風俗人心一切政務茫無端緒各圖敷衍數月飽棄以去而縣民不堪其苦矣故夫縣志之作非徒以激勵縣民亦所以扶政教因革損益開卷了然庶生長斯土者不至數典忘祖而服官臨民者亦得藉手以爲興利除弊之資不亦懿乎且縣志爲省志之信史國史之根據江安前志外漏甚多經今百年未加修葺其間忠魂毅魄孝子節婦文人畸士顯宦名儒皆有待於表章苟薈萃成書以備一縣掌故是則縣人所深願也慎重遠其請因延訪諸名流董其事書凡六閱月而成其體例謹嚴徵引詳盡心實佩之竊維孟子論尙友有一鄉之善士一國之善士天下之善士縣志所載一鄉之善士也而天下之善士亦出其中江安雖僻在偏隅近日達官貴仕文章風節蒸蒸蔚起是志之成縣之人其亦有感發奮勵十倍前烈者乎而慎也掛名職官兼總其事敢不勉循厥職讀司馬溫公諫院題名記蓋不勝憬然也

中華民國十一年六月江安縣知事西充附生嚴希慎序

江安縣志序

書各有體縣志之體與正史異正史斷代爲書者也與通史異通史專紀歷代人物政事者也與方聞郡國志又異方聞郡國志如華陽縣志襄陽縣志亦擇殊尤絕述可傳而后筆之者也惟縣志體最難裁其載地理表職官傳人物則似正史其合古今言之則似通史其襟記風土物產則又似方聞郡國之志然則縣志當用何體曰縣志有縣志之體而已康對山武功志吾病其簡章實齋

江安縣志 序目

涇縣志文多事少亦非體也近吳學甫論深州風土紀或庶幾焉惟本州志必矯其名曰風土似亦可以不不必也獨變以來競修縣志通令取富順段玉裁志爲準段志非有殊異然較之多立門類雜亂無章者實遠過之竊嘗謂縣志本爲縣人而設非千秋不刊之書也苟以振古之才具左史班范之筆名山著述百世自有定論區區縣志求一可紀之山川可傳之人物恒不數數觀若必橫使才情掃除沓冗小善既不足紀錄大賢名德豐功駿烈又不可嚮壁虛造若是則志竟可以不作吾曩在陝分纂省志得遍讀一百府廳州縣志如康對山洪北江朝邑縣志諸作不禁爲兩縣負屈惟三元渭南兩志剪裁有法最爲折中較富順志似又過之民國十年十月江安嚴侯純吾見屬斯事與共斟酌體例畧倣富順三元渭南諸志意存激勸不敢過高亦不敢太濫要使官斯土民

江安縣志 序目

斯縣者感發興起日進於道德文明之域則是書爲不空作而嚴侯之貽澤於江安者爲無窮也書成質之嚴侯並訊之父老子弟其以鄙言爲然否前知陝西石泉縣事邑舉人陳天錫謹序於古安濟廟之石室

清知縣高學瀛舊志序

志者志其風土人情山川險隘與夫官師之賢否俾後之人考鏡而致治焉非徒據羣書矜博雅也江安舊志遭明季兵燹蕩然存國朝乾隆間前令席君頌屬邑人雷君伊纂輯情未成書然踈陟於山巔水涯搜羅殆遍厥功偉哉嘉慶壬申制軍常重修省志檄郡縣具圖籍前令趙君模潤色雷君志稿刊而上之余觀康對山武功志韓五泉朝邑志均七篇文簡事覈王阮亭志爲巨麗蓋志者史之餘體雖稍異法則無殊余竊託其意並倣諸名志體例取舊志而增

損之始於道光九年七月十日成於是年十月望日後之君子倘其繼而正焉

清知縣趙模舊志序

志本於史山川風土之宜古今興廢之故皆係焉凡以考証得失非徒資博覽也江安爲蜀東南一隅本漢犍爲郡江陽縣地漢末屬江陽郡晉置漢安縣隋改江安縣屬瀘川郡唐屬瀘州貞觀中以忠隸思達施陽三縣省入宋元明仍屬瀘州國朝因之其山則有漢陽連天之奇水則有共樂清溪之利人物則有熊黃之清廉楊雷之忠節炳炳麟麟固一時稱盛者也舊志燬於明季蕩然無存予於嘉慶己巳承乏茲土見夫鬱鬱葱葱者山川無恙也登偶佳之亭而考求故事蓋不可復識矣夫志者誌也誌一時以誌千百世傳其地傳其人後之人按冊而稽曰某山也某賢士大夫之所至也某水也某鄉先生之所止也流

江安縣志 序目

連瀝甲自有觀感而興者乃缺然無存不獨郡人士之羞抑亦守土者之責也顧作志難作縣志尤難廣袤不過二百里綜覈上至千百年貴博而有要該而不遺模不敏何能爲役然畏其難而因循顧望使前人仰望於後人者後人復仰望於後人嗚呼其有終極耶爰取雷君志稿爲粉本並搜羅散失遍及斷碣殘碑閱三月而成書自知因陋就簡貽笑大方然因之以爲嚆矢後之君子必有潤色而增修之者

嘉慶十七年

江安縣志總目

卷一

建置第一 歷代沿革

疆域第二 甲四至八到 乙分合圖

城池第三 兩街巷

衙署第四 附各公所 教堂 善堂

鎮鄉第五 附各堤 水利 土產等

山川第六 甲山 乙川附灘險 丙溝井堰塘

關津第七 甲紫隘 乙津梁道路 形勝附

戶口第八

江安縣志 序目

賦稅第九 甲丁田副稅 乙權課 丙積貯 丁國政

卷二

學校第十 甲書院義塾 乙學校 丙學生

禮俗第十一

兵事第十二

古蹟第十三 甲古地名勝 乙金石 丙坊表 丁名墳 戊義塚

廟祀第十四

職官第十五

卷三

政績第十六

選舉第十七 進士 舉人 貢生 武科 仕進 議員 封蔭附

鄉賢第十八

忠義第十九

孝友第二十 附善行

文學第二十一

人瑞第二十二

卷四

列女第二十三 甲貞節 乙壽母 丙孝婦孝女

祥異第二十四

外紀第二十五

江安縣志 序目

都凡二十五類外附江安文徵一冊

江安縣志例言

一江安嘉慶趙志繁複蕪冗全無體例道光高志又刪削太甚板燬久矣今略倣富順段志斟酌雅俗之間庶當萬一

一春秋書法內魯而外諸夏詳近而畧遠本志甄錄一倣斯旨

一古書漢安地理人物概當屬之內江本書不錄其理由詳見建置類中

一政績鄉賢等善善從長不拘請旌入祠之例何者國家既以例繩之志復以例格之是志亦例也表彰幽隱之謂何故是編寧寬母刻

一每類前不用序後不用贊刪削浮文直敘故實總期事覈文省惟山川古蹟問爲描摹點綴一則引起閱者興味一則藉存文士苦心爾

一舊志漏脫譌誤頗多蓋趙屬草擬其事本難高體製簡當而博覽不足故沿

江安縣志 序目

七

訛至今茲添補駁正不下數十百條舊志尙存明眼人當自知之

一文人專集行世談何容易今片紙隻字之長莫非心血概入志乘既嫌其冗

一經刪削從此湮沒矣茲倣章實齋文徵之例別泐上下兩卷附本志後

一縣志史體例應刪節以成一家之言惟念縣中盛德大業殊不數數傳中略存有名文字墓志數篇非惟表彰其人亦以光輝志乘閱者鑒之

一文徵與志相輔而行只錄縣人著作多涉縣事若外縣著作涉及縣事者錄

入外紀體例所關不容牽混至輿圖與山川等類互文見義閱者須知

一正文均頂格分注及附錄事實詩文等低一格目錄低二格以清眉目

一刻書例不圈點茲爲便利少年初學起見不得不爾惟

孔子 關

岳兩廟不加圈點以昭鄭重

江安縣修志職銜

總裁

江安縣知事四川高等農業專門學校畢業生西充附

生 嚴希慎

總纂

前同知陞銜陝西石泉縣知縣甲午科舉

人 陳天錫

分纂

四川陸軍第九師司令部諮議官前國史館顧問癸卯科舉

人 朱青長

選用府經歷教育會會長歲貢

生 徐慎先

前四川高等審判廳書記官庠

生 馮良金

校勘

江安縣志 序目

八

江安縣承審員四川通省法政畢業華陽縣

人 李士摩

協理

江安縣縣視學四川通省師範畢業

生 周晉

庶務

四川陸軍第九師司令部諮議官庠

生 馮潤忠

繪圖

江安縣高小學校校長
教員省三中小學校畢業

生 李 仁
選 仁 義

採訪

江安城議事會會長增

生 馮世英

陝西候補直隸州州判己酉科拔

貢 曹廣颺

議叙知府銜候選教諭增

前署榮昌縣知事現任江安縣團練局長四川自治研究所畢業生 李祚釗

生 熊先覺

四川省第一屆省議員日本警務師範畢業

生 蔣慰祖

生 高裕文

生 鄧振邦

中學教員四川志誠法政學校政治經濟本科得業

生 黃濱

生 劉奎

候選州判恩貢

生 張述仁

已酉科拔

貢 徐作靈

增 程光榮

江安縣志

九

廩 生 方家謨

生 曾維福

名譽採訪

生 楊贊宣

四川陸軍第九師獨立團團部書記官與文增

農商部秘書前貴州學政翰林院編修邑

政事堂存記道尹刷印局局長邑廩貢

簡任職直隸蠡縣知事邑拔貢

生 文良濟

生 馮濟忠

生 劉含章

生 倪迪光

江安縣志卷一

江安縣知事西充嚴希慎訂

前陝西知縣邑人陳天錫纂

建置第一 歷代沿革

江安在天文井鬼之次入參四度屬禹貢梁州之域漢隸爲郡江陽縣地後漢

析置漢安縣

按後漢書郡國志始見漢安縣

蜀漢時升江陽爲郡漢安隸屬晉因之

(晉書)江陽郡蜀置統縣三江陽 符 漢安

劉宋爲東江陽郡

江安縣志

卷一

建置

見方輿紀要

梁置瀘州與江陽郡並立隋開皇初江陽郡廢東江陽郡亦廢爲漢安縣後又

改名江安大業初置瀘川郡江安隸之

(隋書地理志)瀘川郡梁置瀘州總管府統縣五瀘川舊曰江陽並置江陽郡開皇初郡廢大業初置瀘川郡縣改名

焉富世江安舊曰漢安開皇八年改名焉合江綿水梁置有綿溪

唐屬劍南道瀘州都督府

(舊唐書地理志)江安漢江陽縣地晉書生獠攻郡破之又置漢安縣隋改爲

江安也按據此似晉始有漢安者此舊書之悞不可不知

(唐書地理志)江安貞觀八年以夷獠戶置思隸思達施陽三縣八年省施陽十三年省思隸思達入焉有鹽

(邑舉人陳天錫)江安縣釋地江安內江皆古漢安地水經注洛水與綿水合

西出綿竹縣又與涪水合又東逕資中縣又逕漢安縣謂之綿水綿水自江陽方山下入江謂之綿水口以今水道考之漢安之爲內江審矣隋書地理志江安舊曰漢安開皇十八年改名漢安之爲江安審矣晉書有漢安無內江而舊唐書備內江爲資中縣地於水濱置漢安戍又云漢安故城今縣治蓋內江即漢安城而爲城江安分漢安地而爲地是內江固析資漢而置焉者也大抵六朝以前江南岸未盡墾夷獠雜處羈縻遙置地不厭廣漢安當南越大江北界今資漢富內之間迨後析置北爲內江南爲漢安內江其舊名漢安始與綿水隔酈道元作水經注時蓋未嘗析置內江也江安今治在兩岸宋初尙名武寧若則隋唐以前在江北何疑惟不能確指其地耳今江安西南亦有綿水經連天山麓入涪水以合大江亦名綿水口此則隋志

江安縣志

卷一 建置

綿水縣之水溪非水經注之綿雒也因綿水綿水口名稱混同縣志又舊唐書綿水縣當綿水入江之口其所謂江當指大江所謂口即綿水口在今江安小壩中壩之間據此知唐時之綿水縣治與今治近而古江安之在江北愈彰彰明矣

宋屬潼川府瀘州瀘川軍

宋史地理志江安有寧遠安夷西寧遠南田武寧安遠等砦按宋地理志淳祐三年城神臂崖後改爲江安州而長寧軍有安夷武寧等砦名俱混同皆與江安無涉又地理志分注云乾德五年廢綿水富義爲上監州其由上監州而以縣水併入江安當即在此時又地理志築江安之三江磧城今三江磧入長甯縣通志兩縣並列非是邑附貢生雷伊以長寧之武寧爲安江移置亦非蓋亦同名耳

元屬四川南道重慶路瀘州

見元史地理志

明屬四川直隸布政司瀘州

見明史地理志

清屬四川下川南道瀘州

瀘屬縣三 江安 合江 納谿

民國建瀘州改縣直屬川南道

陳天錫曰舊志於分置省入多悞如云晉太康四年分置綿水縣注見唐書考舊唐書綿水縣漢江陽縣地晉置當綿水入江之口並無分漢安置綿水之文晉書新唐書亦無之豈以分江陽卽爲分漢安耶不知既有江陽又有

江安縣志

卷一 建置

漢安不得混併也又云分置涇南縣考舊唐書涇南貞觀八年分瀘川置其文甚明非江安也又云乾德五年省綿水縣入焉乃不知廢綿水富義爲上監州而方輿紀要至謂宋乾德五年省入江陽縣不知隋已改江陽爲瀘川矣紀要較他書爲精博然外說亦時有蓋不據正史地理雜引它書糾謬紛紜殊爲失實今概從正史削正至華陽國志備漢安在郡東五百里土地雖迫山川特美好此與劉宋漢安爲東江陽郡台然決非今江安地又華陽國志志時先主東下江安巴漢稽服此時無江安縣當是地名或江陽之訛耳華陽國志說脫若後有劉州南平郡之江安縣與隋縣同名者幸勿牽涉彼事致疑於此也


邑庠馮世英天文辨曰江安北極出地二十八度三十九分三十秒由冬至日影折算亦由弧角推步而得既有北極出地度即有地平經緯度天頂經緯度夏至江安天頂在東井北河燿星之間緯度去北極六十一度經度在東井二十五度是分野專屬東井不屬輿鬼也以此定名則日出入皆得其真矣考冬至日出卯正三刻九分日入酉初初刻六分夏至日出卯初初刻六分入酉正三刻九分冬至午正高弧三十七度二十九分直影十三度零分零一秒夏至午正高弧八十四度三十二分直影九十五分七十秒按本類言江安在天文井鬼之次入參四度係沿襲舊志蓋舉大概言之此辨當爲得實惟相傳已久未便擅改備詳於此以俟專家

疆域第二 甲四至八到 乙分合圖

江安縣在瀘縣原名瀘州西南百二十里省東南八百六十里東西廣八十里南北袤百六十里東七十里抵納谿縣界西十五里抵長寧縣界南百里抵興文縣界北六十里抵富順縣界東南百二十里抵古宋永寧縣界西南百二十里抵興文縣縣界東北六十里抵瀘縣界西北四十里抵南溪縣界按光緒三十四年始添設古宋縣割江安地自共樂東壩拖船了新場子等地歸古宋管轄

江 子 揚

中 環



江 子 揚 縣 街 道 圖	繪 準 還 季	例 圖		縣 署	城 門	市	學 校	廟
---------------	---------	-----	--	-----	-----	---	-----	---

城池第三 附街巷

宋嘉泰中知縣趙邁築土城明成化初蠻寇出沒縣丞李英仍舊址築以石高一丈五尺周六里計一千零八十八丈外環以濠見通志正德九年知縣王郊增築明浙江布政使司左參政長寧侯啟忠築城碑記江安濱大江西南控邊境東北當水陸之要舊有土城盡圯正德辛未王君仁同蒞茲土適川寇滋蔓兵符絡繹仁同憂無以障民乃建石城計七百二十丈高二丈厚一丈二尺城西臨濠溪患衝激增以巨石爲門五樓如門數經始於蒞事之年十一月訖工於後三年十二月時蜀土用兵而郡邑之城舊者修新者創竭帑病民或從而漁於其間仁同弗然焉且舉於騰喧折馘之秋而使民樂趨於事非父母斯民者弗能也甚矣仁同之愛民深而遠也仁同秩滿將去其僚友縣

江安縣志 卷一 城池

六

丞王經主簿何禮藻準典史張鐸監生王中等屬子記其成垂之永久仁同名郊江西太和人

崇禎五年知縣陳嘉績補葺增闢四門八年告竣先後共闢九門曰東門小東門西門小西門南門小南門北門小北門管驛門兵燹後俱圯見北門修城碑記

清康熙中知縣張振周泰生雍正中署知縣李秀曾等相繼補葺

瀘州牧廣東林良銓巡江安石城如畫出蒼翠映層樓高堞臨雙水平沙

據一洲幾壓雲外見烟火望中收寄語鳴琴客青山照碧流

乾隆二十年知縣周頌自捐三百金倡率士民捐貲修葺計新築改補共七百六十一丈有奇爲門七東曰朝陽西曰挹爽南曰迎薰北曰望闕及小東門小西門管驛門樓如門數雉堞完備見修城碑自記五十六年知縣陳錦補修計折八十

入丈補六百七十四丈擴北門外隄岸易門之東向者爲北向改七門爲五門東曰安懷西曰安樂小西門曰安寧南門曰安阜北曰安瀾見重修城垣碑自記嘉慶初知縣馬維嶽先後補葺仍復七門舊制改管驛門曰清晏門道光八年高學灝補葺咸豐九年知縣柳炯督同邑紳朱光遠馮世燾鄒鳳鳴馮銓忠楊晏鴻等創修四門炮台共六座十年告竣同治十二年知縣朱爾舒委紳何源崙馮世燾培修小東門城光緒十七年知縣沈秉堃委紳馮世燾徐振欽何源崙鄧明經等培修東南城二十三年西北城偶因水漲衝圯知縣雷登門督紳馮世燾樊安忠伍家聲陳崇實鄧雲華等修葺

江安縣志 卷一 城池

七

南隅崩塌三丈餘知事翟增修督同邑紳伍家聲樊安忠經修六年北門人捐款添修城北河街炮台經修保正申秉堃曾令賢

中學畢業生曾令賢督脩城北台炮記略民國數年以來江安圍城兩次幸炮台中空抬鎗橫射擁護城根賊不得蟻附而上耳城北一面下臨河街有徑可上而女牆卑薄實恐疎防則不堪設想因與申君尊募北城紳商祇爲此台幸諸公好義慷慨樂輸不日造成爰書數言以爲識大義踴躍從公者勸云

民國七年知縣朱景暄督同邑紳陳崇實張根靈李旺榮馮潤忠馮良金等培修城東南隅正東門小西門等處共四十餘丈八年小西門城樓及象鼻子西林寺兩台炮樓鄉議長劉天賦經修

城內街巷 東正街 西正街 北正街 十字口 明洪武時建譙樓於此今圯 桂香街

在縣城西一名丁字口一名湯家街俗名當鋪街 尊經街 在縣城西南一名孫甬壁後街在縣署前

水清街 在縣城西北一名湯家巷 青雲街 在管驛門內以青雲坊得名今圯 紫霄街 在縣城東北以紫霄樓得名今柱存 縣後街 在縣署前

渡瀘街 在縣城東北以渡瀘亭得名 關菜園街 即古星巷 白馬街 在火神廟側有白馬祠 縣後街 在縣署前

後一名 行臺街 在小西門內明時建行臺於此今廢俗名水溝頭 確窩巷 在東正街街上巷以確窩井得名 廟垠

在城縣北垣 鍾胡家巷 在東正街中巷 城隍廟巷 在西正街街上巷 東陽街 在東門外 文廟街

在南門外 油榨街 在西門外 順城街 在北門外今名河街

原按明時江安城內外居民凡三千有奇分爲十二堡載在碑記曰十字堡大水堡中正堡學前堡忠義堡東壇堡管驛堡縣門堡桂香堡西壇堡關王堡西江堡兵燹後掠殆盡罕有知其名者今按既有石城不當名堡殆沿

江安縣志 卷一 街道

襲舊稱未經革正耳

衙署第四附各公所教堂善堂

縣治在西街大堂面南頭門外抵大街前爲甬壁儀門外西爲監獄東爲衙神祠大堂右曰承發吏左曰民事股刑事股就前清九房吏舍改設由大堂中門進右曰收發所上爲二堂東廂爲花廳廳左曰狐仙樓樓側爲庖廚廳前爲三科西廂爲二科科外卽倉廩隙地二堂後爲楹三右屬一科左卽知事房舍其後有屋三楹西有兩廊廊外有古榕榕近煤山高可望江光緒十八年知縣沈秉堃築草亭於上闢榕爲門題有榕門二字匾額今額雖存而房舍半多倒塌亭已就荒矣其下有倉壩

清道光初知縣高學濂志縣署明洪武初建而北後改向南兵燹後俱燬清康熙乾隆以後歷次修葺茲不備載州縣用古諸侯禮大門皆臺門爲楹三次內

江安縣志 卷一 衙署

曰儀門其名始於唐人節度使爲楹三左右門即漢之閣門三公則黃之儀門之內爲聖諭坊乾隆元年知縣徐鳴達建次內曰大堂爲楹五東西廊爲吏舍初置六房乾隆八年知縣關士勳增修承發鹽倉三房皆在東廊乾隆五十一年知縣陳鐸移置倉廩於署右拓地改九房分列兩廊以應官其名始於唐之中書尚書省後州縣皆冒焉九房者曰承發古都吏曰吏古功曹曰戶曰工曰倉曰鹽古戶曹曰禮古議曹曰兵古兵曹曰刑古決曹賊曹也次內曰宅門爲楹三有東西廂各四楹次內曰二堂爲楹五左右爲籤押房嘉慶初知縣馬維嶽額曰退思其後爲上房爲楹三有東西廂亦三楹兩廊各四楹所謂興濟庫者其地上房之右廊歟上房之東偏有屋三楹西亦然次後曰望江樓嘉慶間知縣沈楫建道光八年余重修并補建上房之東廊北廳在二堂之東爲楹五

東西廂各三楹乾隆五十一年知縣陳錚拓退思軒述夢堂基址建此以有古榕名榕蔭堂今樹額均無存余署以碧梧翠竹之軒堂前爲燕喜亭嘉慶初知縣馬繼嶽建後改爲演劇之所額亦易去余顏曰聽雨亭後有傑閣以近典史內宅故封閉花廳之後爲庖厨二堂西偏有屋三楹左右廂如之兩廊各三楹知縣沈端建以居幕僚之攜眷屬者大堂西爲土地祠大門之外有坊二東曰漢安舊治西曰綿水通津坊之外東曰申明亭西曰旌善亭皆乾隆十年周頌建今俱爲民舍矣

馬維嶽燕喜亭詩荒署無餘舍新齋落成四面俱朗澈一望盡空明榕陰茅檐蕭窗虛枕簟清公餘時默坐補過憶前程小築非精舍閒來即一過窗前花影碎檻外柳陰多讀史心增感揮絃意轉和試觀名利者得失竟如何

江安縣志

卷一 衙署

十一

高學灝聽雨亭跋曰此亭本演劇之所有額曰會心不遠頗朽壞道光戊子余承乏此間見左右梧桐芭蕉綠陰匝地隙處補種修竹數十竿時方苦旱忽大雨三日焚香坐聽覺淅瀝之聲不獨望滿三巖即塵俗心胸亦因之盡洗矣故易而新之

典獄署在縣署儀門東康熙六年典史余子鵬捐建後經典史金雋葛坦卿王浩喻曰泗趙鳴玉歷次修葺迺完

勸學所舊在中學校東側民國九年併入省中學校移駐城南教諭廳署葺而新之

徵收局在城北安濟廟側舊係五局公所民國元年設

警察所在火神廟內清光緒三十四年設

實業所借城北城自治公所民國八年三月設內附設蠶務局勸工局外農事試驗場在縣西郭省三中校在安濟廟垠上係書院考棚舊址光緒二十九年知縣呂森捐廉三百兩改高等小學校宣統二年改辦縣中學校民國四年經費不支欲停適省三中校在南溪苦無地點建築商之邑紳移設於此議有條件數則郵政局自來僑居民房現在北正街城門首清末係三等局民國二年改爲二等

菸酒棧在北正街民國四年設十年改歸官辦十一年移北城垣

船捐局在門河街民國三年設

糖捐局在東正街光緒二十四年開辦

天主堂現在西正街咸豐初年開辦

江安縣志

卷一 衙署

十二

福音堂在城北渡瀘街光緒二十年開辦

縣議事會在城北機神廟宣統三年設

縣參事會在城北安濟廟宣統三年設

城議事會董事會在城北財神廟宣統二年開設民國三年停辦

教育會附設農神祠高等小學校宣統二年成立

農會在城北財神廟宣統元年開辦

商會在城北關岳廟宣統元年開辦

團練局現在城東禹王宮民國二年開辦

三費局無地點局士由縣知事委任

施棺局無地點局士由縣知事委任